



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1566 usque ad annum 1572

Fleury, Claude

August. Vind. [u.a.], 1772

VD18 90118634

§. 65. Bajus post acceptum diploma a Morillonio ad abjurationem adactus.

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

„ea gratissimum. Datum Romæ apud Sæcul. XVI.
 „sanctum Petrum, sub annulo Piscato- A.C. 1569.
 „ris, die decima tertia Maji: anno mil-
 „lesimo quingentesimo sexagesimo no-
 „no: Pontificatus nostri anno quarto.

§. LXV.

*Bajus post acceptum diploma a Mo-
 rillonio ad abjurationem
 adductus.*

Itaque juxta hujus diplomatis teno- Op. Bajii
 rem Morillonius Bajum Bruxellas p. 138. 129.
 venire jussit: comparet ergo etiam hic
 Doctor die vigesima Junii, cui etiam
 Morillonius Pontificium diploma tradi-
 dit unacum epistola, quam simul Gran-
 vellanus Cardinalis ad eundem perscri-
 pserat. Bajus cum ipso diploma per-
 legeret, ac Cardinalis epistolam ab alio
 recitari perciperet, attonitus hæsit,
 cum ipsius ad sacram Sedem appellatio
 criminis loco haberetur, ibidemque de-
 claratum esset, quod censuris, atque
 irregularitate irretitus foret: id equi-
 dem Bajo mirum videbatur, magis
 tamen ipsius admiratio augebatur Mo-
 rillonii responso; hic enim Vicarius ge-
 neralis ipsi identidem obedientiam, ac
 submissionem erga sacram Sedem incul-
 cabat. Bajus quoque verbis obedien-
 tiam profitebatur, atque auctoritati ce-
 dens a censuris, quas incurrisse credeba-
 tur,

Sæcul. XVI.
A. C. 1569.

tur, absolvi efflagitabat, flexisque genibus absolutionem præstolabatur, quam tamen ei impertiri renuebat Vicarius, priusquam propositiones a Papa scriptas ejuraret. Reposuit Bajus, quod huic postulato cedere haud posset, antequam ipsi Pontificiæ Bullæ exemplar traderetur, eoquod ibidem dictum esset, quod *nonnullæ ex ejus propositionibus aliquo pacto suslineri possent in rigore, & proprio verborum sensu ab assertoribus intento.* Itaque Morillonius hujus petitionis importunitate exacerbatus reposuit, quod Pontifex nunquam permittitur sit, ut ei Bullæ exemplar traderetur, ergo Bajus huic repulsæ acquiescere coactus duntaxat reposuit, rem componi posse, si Papa significare vellet, quales propositiones omnino damnandas, quasve in rigore, ac proprio verborum sensu tolerandas censeret: verum Morillonius generali, nullisque conditionibus restrictæ ejurationi semper insistebat: quapropter Bajus hac firmitate nonnihil commotus inconsulto dicebat: „probe conspicio, „quod hæc Bulla sit Cardinalis Granvellani opus, totumque hoc negotium „potius ab ipso, quam a Pontifice procedat: „ His dictis Bajus mox ad innatam suam mansuetudinem reuersus suam temeritatem coram Morillonio excu-

Sæcul. XVI.
A.C. 1569.

excusabat, necnon a censuris absolvi petebat, quin tamen adhuc de ejuratione mentionem faceret: Vicarius tamen id constanter renuebat, postulans, ut Bajus errores suos ejuraret: cum autem id obtinere non posset, petiit ex Bajo, an contentus esset, si sanctæ Gudulæ Parochus intraret. Annuit hic Doctor, hinc Morillonius huic Parocho exposuit difficultates, quibus Bajus a petita palinodia absterreretur, ac præpediretur: verum Parochus responsi loco nonnisi suspiria edens Bajum, tanquam contumacem deplorabat, postea autem auctoritate, qua pollebat, eidem exprobrabat, quod insolita esset ipsius pertinacia, cum tamen ejus propositionibus a summo Pontifice condemnatis sese submittere teneretur, atque adstringeretur ad majorem obedientiam Sanctitati suæ exhibendam, ac ejus Baccalaurei ipsi tanquam Doctori deferre obligarentur. Morillonius Bajum, quem hisce objurgationibus exacerbari viderat, placaturus eidem pollicitus est, quod ipsi Bullam ostendere vellet, cum autem postea illam se præsto non habere diceret, eam quæsiturus discessit, eo potissimum fine, ut soli Parocho colloquendi libertatem Bajo relinqueret: reversus autem post quartam horæ partem Morillonius Doctorem omnino sub-

Z 5

missum

Sæcul. XVI. A.C. 1569. missum reperiebat; tum enim Bajus declarabat, quod Bullam, etsi illam non recepisset, haud amplius discutere, sed absque omni exceptione obtemperare vellet.

Demum in genua procumbit, ac Vicarius generalis ejus revocationem accipit, & Baji manus suis inflectens illum a censuris, quas incurrisse credebatur, liberat, eumque pristinis honoribus restituit, prout ex actis ad Cardinalem transmissis elucet: verum Bajus huic abjuratiōni nomen suum apponere semper recusabat, eoquod huic subscriptioni perpetuæ infamiae labellet annexa, prout Morillonius ad Cardinalem in alia quadam epistola die decima quarta Augusti data significabat. Ea res religioso premebatur silentio, totumque negotium inter solum Vicarium Generalem, & Bajum, necnon sanctæ Gudulæ Parochum conficiebatur: porro huic summa taciturnitas commendatur, qui etiam, cum Vir esset prudens, ac circumspectus, hanc conditionem lubenter in se suscepit. Cuncta hæc desumpta sunt ex prolixis Morillonii literis ad Cardinalem Granvellinum eadem die, qua hæc gesta fuerunt scriptis.